

YR ATODLEN

Diwygio Atodlen 1 i Orchymyn Cynllun Pensiwn y Diffoddwyr Tân (Cymru) 2007

1. Yn Rhan 1 (enwi a dehongli), yn rheol 2 (dehongli), ym mharagraff (1) mewnosoder y diffiniadau a ganlyn yn y manau priodol—

ystyr “cael ei ailgofrestru'n awtomatig” (“*automatically re-enrolled*”) yw dod yn aelod-ddiffoddwr tân o'r Cynllun ar y dyddiad ailgofrestru awtomatig;

ystyr “cael ei gofrestru'n awtomatig” (“*automatically enrolled*”) yw dod yn aelod-ddiffoddwr tân o'r Cynllun ar y dyddiad cofrestru awtomatig;

ystyr “dewis ymuno” (“*opt in*”) yw dod yn aelod-ddiffoddwr tân o'r Cynllun yn unol â'r hawl yn adran 7(3) o Ddeddf Pensiynau 2008⁽¹⁾ ac yn unol â'r trefniadau a ragnodir gan y Rheoliadau Cofrestru Awtomatig, ac mae ymadroddion tebyg i'w dehongli yn unol â hynny;

ystyr “dyddiad ailgofrestru awtomatig” (“*automatic re-enrolment date*”) yw'r dyddiad a bennir yn unol â rheoliad 12 o'r Rheoliadau Cofrestru Awtomatig;

mae i “dyddiad cofrestru awtomatig” yr ystyr a roddir i “automatic enrolment date” gan adran 3(7) (cofrestru awtomatig) o Ddeddf Pensiynau 2008;

ystyr “y Rheoliadau Cofrestru Awtomatig” (“*the Automatic Enrolment Regulations*”) yw Rheoliadau Cynlluniau Pensiwn Galwedigaethol a Phersonol (Cofrestru Awtomatig) 2010⁽²⁾.

(1) 2008 p.30.

(2) O.S. 2010/772, a ddiwygiwyd gan O.S. 2012/215, 2012/1257, 2012/1477 a 2012/2691.